

**PANDUAN BERHUBUNG PENAMBAHBAIKAN PROSES KELULUSAN AKTIVITI
TAMBAH NILAI SERTA PERLUASAN SKOP AKTIVITI TAMBAHAN
BAGI ZON PERINDUSTRIAN BEBAS (ZPB)**

1. PENDAHULUAN.

- 1.1 Sesuatu kawasan ZPB diwartakan di bawah seksyen 3(1) Akta Zon Bebas 1990. Kemudahan ZPB diperkenalkan bagi mewujudkan aktiviti pengilangan keluaran siap berorientasikan eksport. Selain diwartakan untuk menjalankan aktiviti pengilangan, ZPB juga dibenarkan untuk menjalankan aktiviti-aktiviti lain selain pengilangan seperti tambah nilai, *International Procurement Centre (IPC)*, *Regional Distribution Centre (RDC)* dan *Remanufacturing, Repairing and Servicing*.
- 1.2 Secara dasarnya, permohonan ke atas aktiviti-aktiviti selain pengilangan diproses oleh Ibu Pejabat dan dikemukakan kepada Kementerian Kewangan Malaysia untuk tujuan kelulusan. Walau bagaimanapun, berkuatkuasa mulai 1 April 2020 semua proses permohonan dan kelulusan akan dilaksanakan di peringkat zon / negeri sahaja tanpa perlu dimajukan kepada Ibu Pejabat atau Kementerian Kewangan Malaysia. Ini adalah selaras dengan kuasa yang diperuntukkan kepada Menteri Kewangan di bawah Seksyen 10(3) Akta Zon Bebas 1990 dan Seksyen 11(2) Akta Zon Bebas 1990.
- 1.3 Ketetapan baharu ini dibuat berdasarkan kepada keputusan pihak Kementerian Kewangan Malaysia sebagaimana yang telah diumumkan oleh YAB Perdana Menteri melalui pengumuman Pakej Rangsangan Ekonomi pada 27 Februari 2020. Penurunan kuasa melulus kepada Ketua Pengarah Kastam melalui Pengarah Operasi Zon atau Pengarah Kastam Negeri ini dengan matlamat untuk meningkatkan tahap penyampaian serta memudahkan urusan pelanggan.

2. TUJUAN

Panduan ini dikeluarkan bertujuan memberi panduan kepada syarikat pengilangan ZPB berhubung tatacara permohonan untuk menjalankan aktiviti-aktiviti lain selain pengilangan agar ianya dapat diseragamkan pelaksanaannya di semua peringkat zon dan negeri.

3. SKOP

Aktiviti selain pengilangan yang diturunkan kuasa melulus ke peringkat zon dan negeri adalah seperti berikut:

3.1 Aktiviti tambah nilai

- a) Penyelidikan dan pembangunan (*Research and Development*);
- b) Rekabentuk (*Product Design*);

- c) Pemasaran (*Marketing*), hanya bagi pengilang berstatus *International Procurement Centre, IPC*;
- d) Pengagihan (*Distribution*), hanya bagi pengilang berstatus *Regional Distribution Centre, RDC*;
- e) Kawalan mutu (*Quality Control*);
- f) Pengujian dan Pentauliahan (*Testing and Commissioning*) termasuk Penentukuran dan Konfigurasi (*Calibration and Configuration*);
- g) Pelabelan, Pembungkusan dan Pembungkusan (*Labelling, Packaging and Re-Packaging*); dan
- h) Pengilangan Semula, Pembaikan dan Perkhidmatan Servis (*Remanufacturing, Repairing and Servicing*).

3.2 Aktiviti Tambahan

Pengurusan Rantaian Bekalan, Operasi Perolehan Strategik dan Penyelesaian Sokongan Menyuluruh (*Supply Chain Management, Strategic Procurement Operation and Total Support Solution*).

4. TERMINOLOGI

4.1 Penyelidikan dan pembangunan (*Research and Development, R&D*).

Aktiviti penyelidikan ke atas sesuatu produk bagi mendapatkan pengetahuan tertentu atau menggunakan pengetahuan tersebut untuk menghasilkan atau mempertingkatkan bahan / peralatan / produk / hasil / proses untuk tujuan perniagaan.

4.2 Rekabentuk (*Product Design*).

Aktiviti penyelidikan, perekaayaan dan pembuatan bagi menghasilkan sesuatu rekaan produk baharu atau penambahbaikan rekaan produk sedia ada bagi memenuhi permintaan dan keperluan semasa pengguna serta kebolehpasaran dan pengeluaran produk.

4.3 Pemasaran (*Marketing*), hanya bagi pengilang berstatus *International Procurement Centre, IPC*.

Aktiviti perolehan serta jualan bahan mentah, komponen dan barang siap daripada sumber luar negara serta tempatan kepada syarikat di dalam dan luar negara.

4.4 Pengagihan (*distribution*), hanya bagi pengilang berstatus *Regional Distribution Centre, RDC*.

Aktiviti pengumpulan dan penggabungan barang siap serta alat ganti jenama sendiri yang dihasilkan oleh syarikat dalam kumpulan untuk diagihkan kepada peraih, pengimport, subsidiari atau kepada syarikat dalam dan luar negara.

4.5 Kawalan mutu (*quality control*).

Pemeriksaan ke atas sesuatu barang bagi memastikan barang yang dihasilkan mematuhi piawaian mutu atau standard yang ditetapkan.

4.6 Pengujian dan Pentauliahan (*Testing and Commissioning*) termasuk Penentukutan dan Konfigurasi (*Calibration and Configuration*).

Penelitian ke atas sesuatu produk dengan menggunakan mekanisma tertentu bagi memastikan ianya menepati spesifikasi.

4.7 Pelabelan, Pembungkusan dan Pembungkusan Semula (*Labelling, Packing and Re-Packaging*).

Membawa masuk bahan mentah, komponen atau produk siap untuk pelabelan atau pembungkusan atau pembungkusan semula untuk penyatuan produk (*product consolidation*), *kitting** dan integrasi sebelum pengedaran kepada pengguna akhir.

Pelabelan termasuk penandaan produk menggunakan RFID bagi menyediakan maklumat mengenai produk seperti jenama, harga dan spesifikasi lain.

*Proses *kitting* merujuk kepada koleksi bahagian dan bahan dikumpulkan bersama dalam kit tunggal.

4.8 Pengilangan Semula, Pembaikan dan Perkhidmatan Servis (*Remanufacturing, Repairing and Servicing*).

Pengilangan semula adalah proses perindustrian yang mempunyai standard di mana teras (*cores*) dikembalikan kepada keadaan seperti baharu atau lebih baik dari segi keadaan fizikal dan prestasi. Proses ini hendaklah mengikut spesifikasi teknikal tertentu termasuk piawaian kejuruteraan, kualiti dan pengujian oleh *Original Equipment Manufacturer* (OEM). Produk yang telah melalui proses pengilangan semula akan mempunyai jaminan (warranty) daripada pengilang semula.

Meliputi proses:

- a) pengurusan teras dan penyisihan teras,
- b) pembongkaran teras menjadi bahagian,
- c) pembersihan semua bahagian dalaman dan luaran;
- d) kerja semula (*reworking*),
- e) pemesinan atau melaksanakan operasi lain yang diperlukan untuk mengembalikan komponen / peralatan dalam keadaan kerja asal atau lebih baik,
- f) pemulihan semua bahagian yang rosak, cacat atau haus kepada keadaan yang baik,
- g) penggantian semua komponen yang hilang, komponen mandatori; dan
- h) pemasangan semula komponen dan ujian terakhir terhadap komponen yang telah dipasang semula.

4.9 **Pengurusan Rantaian Bekalan, Operasi Perolehan Strategik dan Penyelesaian Sokongan Menyuluruh (*Supply Chain Management, Strategic Procurement Operation and Total Support Solution*).**

Pengurusan bekalan bahan mentah dan komponen untuk proses pembuatan sendiri, syarikat kumpulan dan untuk menyokong aktiviti kontrak pembuatan (*contract manufacturing*) di dalam dan di luar Malaysia bagi tujuan kelangsungan aktiviti syarikat.

5. KRITERIA PERMOHONAN

5.1 **Kriteria / syarat umum yang perlu dipatuhi:**

- a) Syarikat hendaklah beroperasi di dalam kawasan ZPB;
- b) Aktiviti tambah nilai berkaitan adalah berhubungkait dengan aktiviti pengilangan utama;
- c) Aktiviti pengilangan seperti yang diluluskan di dalam Lesen Pengilangan di bawah Akta Penyelarasan Perindustrian 1975 dan kebenaran untuk beroperasi di dalam kawasan ZPB tidak boleh dihentikan;
- d) Aktiviti tambah nilai ini hanyalah **aktiviti sampingan** sahaja yang mana nilai jualan barangan yang terhasil daripada aktiviti ini **tidak melebihi 10%** daripada nilai jualan tahunan syarikat. Syarat ini **tidak terpakai** untuk syarikat yang berstatus **IPC** dan **RDC**.
- e) Syarikat perlu membuat pengasingan dari segi operasi / peralatan / kemudahan / mesin di antara aktiviti pengilangan dengan aktiviti tambah nilai di dalam premis kilang.
- f) Syarikat dikehendaki menyimpan rekod yang teratur dan lengkap bagi bahan mentah / komponen yang diimport dan dieksport untuk semakan Jabatan Kastam.
- g) Produk / keluaran siap yang diluluskan bagi aktiviti tambah nilai hendaklah dikembalikan kepada pelanggan. Walau bagaimanapun, penjualan kepada pengilang ZPB adalah dibenarkan dengan syarat digunakan sebagai bahan mentah bagi tujuan pengilangan syarikat berkenaan. Syarat dan kemudahan ini **tidak terpakai** untuk syarikat yang berstatus **IPC, RDC** dan bagi **aktiviti pelabelan, pembungkusan atau pembungkusan semula**.
- h) Syarikat perlu menyediakan akaun yang berasingan bagi aktiviti tersebut dan boleh diakses pada bila-bila masa yang dikehendaki oleh Kastam Negeri / Stesen Kastam yang mengawal syarikat.
- i) Pengecualian ini boleh ditarik balik pada bila-bila masa tertakluk kepada dasar dan perundangan semasa. Jika duti / cukai berkenaan dikehendaki dibayar semula, maka semua duti / cukai yang telah dikecualikan hendaklah dibayar dalam masa 30 hari dari tarikh surat pemansuhan, pembatalan atau penarikan balik pengecualian.

- j) Syarikat hendaklah mematuhi syarat / peraturan yang ditetapkan oleh Jabatan Kastam dan undang-undang serta peraturan lain yang berkuat kuasa di Malaysia.

5.2 Kriteria / syarat khusus yang perlu dipatuhi

- a) Pelabelan, pembungkusan atau pembungkusan semula (*Labelling, Packaging or Repackaging*).

Label negara asal pengeluar (*country of origin*) tidak boleh diubah. Aktiviti pelabelan yang dibenarkan adalah bermaksud keadaan di mana pengilang yang menjalankan aktiviti campuran atau pembungkusan semula yang menyebabkan perubahan formula isi kandungan ataupun bentuk pembungkusan. Dalam keadaan demikian, label baru yang menunjukkan maklumat serta bentuk pembungkusan terkini hendaklah dipamerkan.

- b) Pemasaran (*marketing*), hanya bagi pengilang berstatus *International Procurement Centre, IPC*.

- i) Syarikat telah memperoleh kelulusan status IPC daripada MIDA;

- ii) Mematuhi semua syarat-syarat IPC; dan

- iii) Senarai barang untuk aktiviti IPC adalah berdasarkan kelulusan daripada MIDA.

- c) Pengagihan (*distribution*), hanya bagi pengilang berstatus *Regional Distribution, RDC*.

- i) Syarikat telah memperoleh kelulusan status RDC daripada MIDA;

- ii) Mematuhi semua syarat-syarat RDC; dan

- iii) Senarai barang untuk aktiviti IPC adalah berdasarkan kelulusan daripada MIDA.

- d) Pengilangan Semula, Pembaikan dan Perkhidmatan Servis (*Remanufacturing, Repairing and Servicing*).

- i) Produk elektronik, elektrik, mesin dan peralatan;

- ii) Syarikat perlu mendapatkan sokongan daripada MIDA;

- iii) Mendapat kelulusan daripada Jabatan Alam Sekitar bahawa tiada *generation of toxic waste*;

- iv) Sebarang bentuk pelupusan di dalam negara ke atas sisa hasil daripada aktiviti ini adalah tidak dibenarkan; dan

- v) Produk yang gagal menjalani aktiviti tambah nilai ini hendaklah dipulangkan semula kepada pelanggan asal.

- e) Pengurusan Rantaian Bekalan, Operasi Perolehan Strategik dan Penyelesaian Sokongan Menyeluruh (*Supply Chain Management, Strategic Procurement Operation and Total Support Solutions*)
- i) Pembekalan dan pengedaran bahan mentah, komponen dan barang siap dalam kumpulan syarikat yang sama (dalam dan luar negara) atau *contract manufacturer*;
 - ii) Pembekalan kepada syarikat dalam kumpulan yang sama atau dikalangan *contract manufacturer* di dalam negara adalah tertakluk kepada duti dan cukai (jika berkenaan); dan
 - iii) Hanya senarai barang yang diluluskan sahaja dibenarkan untuk aktiviti ini.

5.3 Kelulusan adalah tertakluk kepada definisi, skop, kriteria dan syarat-syarat yang telah ditetapkan sahaja. Permohonan yang tidak mematuhi mana-mana kriteria dan syarat yang ditetapkan perlu dikemukakan kepada Kementerian Kewangan Malaysia.

6. PELAKSANAAN

6.1 Syarikat hendaklah mengemukakan permohonan kepada Stesen Kastam yang mengawal merangkumi dokumen-dokumen seperti berikut:

Bil	Aktiviti	Dokumen	
		Khusus	Umum
a)	Penyelidikan dan pembangunan	-	i) Surat iringan (<i>covering letter</i>); ii) Borang Permohonan; iii) Kebenaran beroperasi di dalam kawasan ZPB; iv) Salinan Lesen ICA; v) Carta aliran proses kerja.
b)	Rekabentuk	-	
c)	Pemasaran (IPC)	i) Surat kelulusan MIDA,	
d)	Pengagihan (RDC)	ii) Senarai barang diluluskan MIDA.	
e)	Kawalan mutu	-	
f)	Pengujian dan Pentauliahan termasuk Penentukutan dan Konfigurasi	-	
g)	Pelabelan, Pembungkusan dan Pembungkusan	-	
h)	Pengilangan Semula, Pembaikan dan Perkhidmatan Servis	i) Surat sokongan daripada MIDA, ii) Kelulusan daripada Jabatan Alam Sekitar, iii) Kelulusan daripada agensi-agensi lain (jika berkaitan).	
i)	Pengurusan Rantaian Bekalan,	i) Permohonan daripada syarikat	

	Operasi Perolehan Strategik dan Penyelesaian Sokongan Menyuluruh	<p>dalam kumpulan atau <i>contract manufacturer</i>,</p> <p>ii) Senarai barang dan kuantiti yang dipohon oleh syarikat dalam kumpulan atau <i>contract manufacturer</i>,</p> <p>iii) Perjanjian atau dokumen lain yang menunjukkan hubungkait dengan pemohon</p>	
--	--	--	--

6.2 Kuantiti barang yang boleh dipertimbangkan untuk kelulusan adalah berdasarkan anggaran (*estimated*) yang dipohon sebagaimana dinyatakan di dalam dokumen sokongan yang dikemukakan.

6.3 Kelulusan boleh dipertimbangkan bagi tempoh tidak melebihi satu (1) tahun.

6.4 Bagi aktiviti pemasaran (IPC) / Pengagihan (RDC);

- a) Barang yang dipohon hendaklah selari dengan senarai barang yang diluluskan oleh MIDA.
- b) Sebarang perubahan atau penambahan barang untuk aktiviti IPC / RDC perlu mendapat kelulusan daripada pihak MIDA terlebih dahulu

7. TARIKH KUATKUASA

Panduan ini berkuatkuasa mulai 1 April 2020.

8. PENUTUP

Sebarang pertanyaan atau keraguan boleh dikemukakan kepada pegawai stesen kastam yang mengawal di peringkat zon / negeri yang berkenaan.

Dikeluarkan oleh:

Bahagian Perkastaman
Ibu Pejabat Kastam
Putrajaya

JABATAN KASTAM DIRAJA MALAYSIA (*Royal Malaysian Customs Department*)
 BORANG PERMOHONAN UNTUK MENJALANKAN AKTIVITI TAMBAH NILAI / PENGURUSAN RANTAIAN BEKALAN,
 OPERASI PEROLEHAN STRATEGIK DAN PENYELESAIAN SOKONGAN MENYULURUH
 (*Application Form for Performing Value Added Activity / Supply Chain Management,
 Strategic Procurement Operation and Total Support Solution*)

1. Kepada (To): Pengarah Operasi Zon / Pengarah Kastam Negeri <i>Zone Director of Operation / State Director of Customs</i>		UNTUK KEGUNAAN RASMI (For Official Use)				
		2. Tarikh dan masa terima. <i>Date and time of receipt</i>		3. No. Rujukan <i>Reference no.</i>		
4. Pemohon (Nama dan alamat pelesen) <i>Applicant (Name and licensee's address)</i>		5. Jenis aktiviti dipohon. Sila tandakan X dikotak yang dipilih <i>Type of activity applied for. Please mark X in the chosen box</i> a) Tambah nilai (<i>value added</i>) i) Penyelidikan dan pembangunan <input type="checkbox"/> <i>Research and Development</i> ii) Rekabentuk <input type="checkbox"/> <i>Product Design</i> iii) Pemasaran - IPC <input type="checkbox"/> <i>Marketing - IPC</i> iv) Pengagihan - RDC <input type="checkbox"/> <i>Distribution - RDC</i> v) Kawalan mutu. <input type="checkbox"/> <i>Quality Control</i> vi) Pengujian dan Pentauliahan (<i>Testing and Commissioning</i>) termasuk Penentuan dan Konfigurasi (<i>Calibration and Configuration</i>) <input type="checkbox"/> vii) Pelabelan, Pembungkusan dan Pembungkusan <input type="checkbox"/> <i>Labelling, Packaging and Re-Packaging</i> viii) Pengilangan Semula, Pembaikan dan Perkhidmatan <input type="checkbox"/> <i>Remanufacturing, Repairing and Servicing</i> . b) Pengurusan Rangkaian Bekalan, Operasi Perolehan Strategik dan Penyelesaian Sokongan Menyuluruh. <i>Supply Chain Management, Strategic Procurement Operation and Total Support Solution.</i>				
DOKUMEN SOKONGAN (Supporting Document)						
6. Dokumen Sokongan disertakan <i>Supporting document attached</i>						
i.	Kebenaran beroperasi di ZPB (<i>FIZ Operation Approval</i>)					
ii.	Lesen ICA (<i>ICA License</i>)					
iii.	Kelulusan MIDA (<i>MIDA's Approval</i>)					
iv.	Kelulusan JAS (<i>DOE's Approval</i>)					
v.	Carta Aliran Kerja (<i>Work Flowchart</i>)					
vi.	Perjanjian (<i>Agreement</i>)					
vii.	Lain-lain (<i>Others</i>)					
PERIHAL BARANG-BARANG (Description of Goods).						
<i>Sila gunakan lampiran tambahan jika ruangan tidak mencukupi. (Please use additional attachment if the space is not enough)</i>						
7. Bil. No.	8. Perihal Barang <i>Particular of good</i>	9. Kod Tarif <i>Tariff code</i>	10. Kuantiti <i>Quantity</i>	11. Nilai <i>Value</i>	12. Duti import <i>Import duty</i>	13. SST <i>SST</i>
1.						
2.						
3.						
4.						
5.						
6.						
7.						
8.						
9.						
10.						
AKUAN PEMEGANG LESEN (Licensee Declaration)						
14. Dengan ini saya memohon satu kelulusan untuk menjalankan aktiviti seperti ditandakan X di dalam ruang 7 di atas dan memperakui bahawa butir-butir yang dinyatakan dalam permohonan ini adalah betul dan lengkap dan akan mematuhi segala peruntukan perundangan dan peraturan yang berkaitan serta syarat-syarat yang ditetapkan. <i>I am hereby applying for an approval to conduct an activity as marked X in column 7 above and certify that the particulars stated in this application are true and complete and shall comply with all the relevant provisions of the laws and regulations as well as the conditions imposed.</i>						
15. Nama Pemohon <i>Name of Applicant</i>					18. Tandatangan <i>Signature</i>	
16. No. Kad Pengenalan / Passport <i>Identity card / Passport No.</i>						
17. Jawatan <i>Designation</i>		19. Tarikh <i>Date</i>				

FOR OFFICIAL USE (UNTUK KEGUNAAN RASMI)

20. Ulasan dan Syor Pegawai
Officers Comment and Recommendation

21. Nama <i>Name</i>		22. Tandatangan <i>Signature</i>																					
23. Jawatan <i>Designation</i>		24. Tarikh <i>Date</i>	<table border="1"><tr><td></td><td></td><td></td><td>-</td><td></td><td></td><td></td><td></td><td></td><td></td><td></td><td></td><td></td><td></td><td></td><td></td><td></td><td></td><td></td><td></td></tr></table>				-																
			-																				

25. Ulasan Ketua Bahagian / Ketua Cawangan
Comment of the Head of Division / Head of Section

26. Keputusan
Decision

Permohonan <i>Application</i>	DILULUSKAN <i>(APPROVED)</i>	TIDAK DILULUSKAN <i>(NOT APPROVED)</i>
----------------------------------	---------------------------------	---

Tempoh kelulusan <i>Approval period</i>	[]	Hingga <i>Until</i>	[]	
--	-----	------------------------	-----	--

(.....)

b.p. Pengarah Operasi Zon / Pengarah Kastam negeri
Zone Director of Operation / State Director of Customs

**SYARAT-SYARAT KELULUSAN
AKTIVITI TAMBAH NILAI**

1. Aktiviti pengilangan seperti yang diluluskan di dalam Lesen Pengilangan di bawah Akta Penyelarasan Perindustrian 1975 dan kebenaran beroperasi di dalam kawasan Zon Perindustrian Bebas (ZPB) tidak boleh dihentikan.
2. Aktiviti tambah nilai adalah berhubungkait dengan aktiviti pengilangan utama.
3. Aktiviti tambah nilai ini hanyalah **aktiviti sampingan** sahaja yang mana nilai jualan barangan yang terhasil daripada aktiviti ini **tidak melebihi 10%** daripada nilai jualan tahunan syarikat.
4. **Produk / keluaran siap yang diluluskan bagi aktiviti tambah nilai hendaklah dikembalikan kepada pelanggan.** Walau bagaimanapun, penjualan kepada pengilang ZPB adalah dibenarkan dengan syarat digunakan sebagai bahan mentah bagi tujuan pengilangan syarikat berkenaan. Syarat dan kemudahan ini **tidak terpakai** untuk **aktiviti pelabelan, pembungkusan atau pembungkusan semula.**
5. Syarikat hendaklah;
 - 5.1 membuat pengasingan dari segi operasi / peralatan / kemudahan / mesin di antara aktiviti pengilangan dengan aktiviti tambah nilai di dalam premis kilang.
 - 5.2 menyimpan rekod yang teratur dan lengkap bagi bahan mentah / komponen yang diimport dan dieksport untuk semakan Jabatan Kastam.
 - 5.3 menyediakan akaun yang berasingan bagi aktiviti tersebut dan boleh diakses pada bila-bila masa yang dikehendaki oleh Kastam Negeri / Stesen Kastam yang mengawal syarikat.
6. Syarat khusus untuk aktiviti beriku:
 - 6.1 Pelabelan, pembungkusan atau pembungkusan semula.
 - a) Label negara asal pengeluar (*country of origin*) tidak boleh diubah.
 - b) Aktiviti pelabelan yang dibenarkan adalah bermaksud keadaan di mana pengilang yang menjalankan aktiviti campuran atau pembungkusan semula yang menyebabkan perubahan formula isi kandungan ataupun bentuk pembungkusan. Dalam keadaan demikian, label baru yang menunjukkan maklumat serta bentuk pembungkusan terkini hendaklah dipamerkan.
 - 6.2 Pengilangan Semula, Pembaikan dan Perkhidmatan Servis.
 - a) Sebarang bentuk pelupusan di dalam negara ke atas sisa hasil daripada aktiviti ini adalah tidak dibenarkan; dan
 - b) Produk yang gagal menjalani aktiviti tambah nilai ini hendaklah dipulangkan semula kepada pelanggan asal.
7. Pengecualian ini boleh ditarik balik pada bila-bila masa tertakluk kepada dasar dan perundangan semasa. Jika duti / cukai berkenaan dikehendaki dibayar semula, maka semua duti / cukai yang telah dikecualikan hendaklah dibayar dalam masa 30 hari dari tarikh surat pemansuhan, pembatalan atau penarikan balik pengecualian.
8. Syarikat hendaklah mematuhi syarat / peraturan yang ditetapkan oleh Jabatan Kastam dan undang-undang serta peraturan lain yang berkuat kuasa di Malaysia.
9. Syarat-syarat di atas boleh dipinda, ditambah dan diubahsuai dari semasa ke semasa jika didapati perlu.

**SYARAT-SYARAT KELULUSAN AKTIVITI TAMBAH NILAI
(PEMASARAN – IPC & PENGAGIHAN – RDC)**

1. Aktiviti pengilangan seperti yang diluluskan di dalam Lesen Pengilangan di bawah Akta Penyelarasan Perindustrian 1975 dan kebenaran beroperasi di dalam kawasan Zon Perindustrian Bebas (ZPB) tidak boleh dihentikan.
2. Syarikat hendaklah;
 - 2.1 membuat pengasingan dari segi operasi / peralatan / kemudahan / mesin di antara aktiviti pengilangan dengan aktiviti IPC / RDC di dalam premis kilang.
 - 2.2 menyediakan akaun yang berasingan bagi aktiviti tersebut dan boleh diakses pada bila-bila masa yang dikehendaki oleh Kastam Negeri / Stesen Kastam yang mengawal syarikat.
 - 2.3 menyimpan barang-barang IPC / RDC secara berasingan dan hendaklah ditandakan serta disusun mengikut kesesuaian sebagaimana yang diarahkan bagi tujuan keselamatan dan pemeriksaan barang-barang oleh pegawai stesen pengawal.
 - 2.4 menyimpan serta mengemaskini rekod barang-barang bagi aktiviti IPC / RDC untuk rujukan Pegawai Kanan Kastam apabila dikehendaki.
 - 2.5 mematuhi syarat-syarat kelulusan skim IPC / RDC oleh MIDA termasuk ketetapan kuota jualan tempatan yang diluluskan. Jualan melalui “*drop shipment*” adalah dihadkan tidak melebihi 30% daripada jumlah nilai jualan eksport IPC / RDC.
 - 2.6 mengemukakan kepada stesen pengawal, satu penyata tahunan yang telah diaudit oleh audit bebas. Penyata tersebut hendaklah mengandungi butir-butir mengenai baki dibawa ke hadapan, jumlah dibawa masuk, jumlah yang dieksport semula dan baki dalam simpanan.
 - 2.7 bertanggungjawab sepenuhnya ke atas kemasukan, penyimpanan dan pengeksportan serta penjualan barang IPC / RDC berkenaan. Bil Tuntutan akan dikeluarkan bagi menuntut duti dan cukai yang terlibat ke atas kehilangan / kekurangan barang (*lost / unaccounted / deficient in quantity*).
3. Aktiviti IPC / RDC hendaklah dikendalikan oleh syarikat pengilangan yang diluluskan sahaja dan tidak boleh dilakukan oleh syarikat pengilangan lain di dalam kawasan ZPB.
4. Jumlah jualan barang ke pasaran tempatan di bawah kemudahan IPC / RDC hendaklah tidak melebihi kuota jualan tempatan
5. Pengecualian ini boleh ditarik balik pada bila-bila masa tertakluk kepada dasar dan perundangan semasa. Jika duti / cukai berkenaan dikehendaki dibayar semula, maka semua duti / cukai yang telah dikecualikan hendaklah dibayar dalam masa 30 hari dari tarikh surat pemansuhan, pembatalan atau penarikan balik pengecualian.
6. Syarikat hendaklah mematuhi syarat / peraturan yang ditetapkan oleh Jabatan Kastam dan undang-undang serta peraturan lain yang berkuat kuasa di Malaysia.
7. Syarat-syarat di atas boleh dipinda, ditambah dan diubahsuai dari semasa ke semasa jika didapati perlu.

**SYARAT-SYARAT KELULUSAN
PENGURUSAN RANTAIAN BEKALAN, OPERASI PEROLEHAN STRATEGIK
DAN PENYELESAIAN SOKONGAN MENYULURUH**

1. Aktiviti pengilangan seperti yang diluluskan di dalam Lesen Pengilangan di bawah Akta Penyelarasan Perindustrian 1975 dan kebenaran beroperasi di dalam kawasan Zon Perindustrian Bebas (ZPB) tidak boleh dihentikan.
2. Aktiviti ini hanyalah **aktiviti sampingan** sahaja yang mana nilai jualan barangan yang terhasil daripada aktiviti ini **tidak melebihi 10%** daripada nilai jualan tahunan syarikat.
3. Syarikat hendaklah menyimpan rekod yang teratur dan lengkap bagi bahan mentah / komponen yang diimport, dieksport atau dilepaskan dipasaran tempatan untuk semakan Jabatan Kastam.
4. Syarikat hendaklah bertanggungjawab sepenuhnya ke atas bahan mentah / komponen yang telah diluluskan. Bil Tuntutan akan dikeluarkan bagi menungtut duti dan cukai yang terlibat ke atas sebarang kehilangan / kekurangan (*lost / unaccounted / deficient in quantity*).
5. Pembekalan bahan mentah / komponen hanyalah untuk menyokong kelangsungan aktiviti pengilangan;
6. Senarai nama syarikat di dalam kumpulan yang sama di dalam dan luar negara atau *contract manufacturer* yang dilantik adalah seperti berikut:

Syarikat di dalam kumpulan yang sama di dalam dan luar negara

No.	Nama Syarikat	Alamat

Contract manufacturer yang dilantik

No.	Nama Syarikat	Alamat

7. Pembekalan kepada syarikat dalam kumpulan yang sama atau di kalangan *contract manufacturer* di dalam Kawasan Utama Kastam yang dilantik adalah tertakluk kepada duti dan cukai (jika berkenaan) dan hendaklah dijelaskan sebelum bahan mentah / komponen dilepaskan daripada kawalan kastam.
8. Pengecualian ini boleh ditarik balik pada bila-bila masa tertakluk kepada dasar dan perundangan semasa. Jika duti / cukai berkenaan dikehendaki dibayar semula, maka semua duti / cukai yang telah dikecualikan hendaklah dibayar dalam masa 30 hari dari tarikh surat pemansuhan, pembatalan atau penarikan balik pengecualian.
9. Syarikat hendaklah mematuhi syarat / peraturan yang ditetapkan oleh Jabatan Kastam dan undang-undang serta peraturan lain yang berkuat kuasa di Malaysia.
10. Syarat-syarat di atas boleh dipinda, ditambah dan diubahsuai dari semasa ke semasa jika didapati perlu.

